



**ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
№ 36 Б А С П А С Ө З Р Е Л И З І  
2012 жылғы 18 қыркүйек**

**«Оңтайлы жағдайлар жасау»  
Исламдық қаржы жөніндегі  
халықаралық отырысты өткізу туралы**

17 – 18 қыркүйек аралығындағы кезеңде Қазақстан Республикасының Ұлттық Банкі Исламдық Даму Банкімен және Халықаралық Валюта Қорымен бірлесіп «Оңтайлы жағдайлар жасау» атты Исламдық қаржы жөніндегі халықаралық отырысты өткізді.

Отырыстың жұмысына Қазақстан Республикасы Ұлттық Банкінің өкілдері, Қазақстан Республикасы Парламентінің депутаттары, Қазақстан Республикасы министрліктерінің өкілдері, шетелдік исламдық қаржы ұйымдарының, Халықаралық Валюта Қорының және Исламдық Даму Банкінің басшылығы, сондай-ақ Қазақстан қаржыгерлері қауымдастығының, Қазақстан Республикасы Исламдық қаржыны және қаржы ұйымдарын дамыту қауымдастығының өкілдері қатысты.

Отырыстың спикерлері ретінде Исламдық қаржыландырудағы бухгалтерлік есеп және аудит мәселелері жөніндегі ұйымның (AAOIFI) бас хатшысы Доктор Халед Аль-Факих, Халықаралық Валюта Қорының кредит-ақша операциялары және капиталдар нарығындағы операциялар департаменті директорының орынбасары Доктор Гиат Шабсих, Халықаралық Валюта Қорының Таяу және Орта Шығыс, Орталық Азия департаментінің кеңесшісі Зейне Зейдане сияқты исламдық қаржыландыру саласындағы жетекші сарапшылар және т.б. шақыртылды.

Халықаралық отырыстың жұмысы бірнеше сессиядан тұрды, олардың шеңберінде қатысушылар исламдық қаржылық қызметтер секторының өсуі үшін оңтайлы жағдайлар жасаудың маңыздылығы және туындайтын негізгі проблемалары; исламдық қаржының құқықтық құрылымын қамтамасыз ету; Қазақстанның қолданыстағы құқықтық базасын қарастыру; тиісті қаржылық есептілікті қамтамасыз ету; исламдық қаржыны дамытудағы жеке сектордың рөлі; нарыққа қатысушыларды исламдық қаржының дамыған нарықтарына тарту; Сукук әлемдік нарығы: қырлары мен мүмкіндіктері сияқты мәселелерді талқылады. Кейбір сессиялардың шеңберінде исламдық қаржы құралдарын дамытудың және жұмыс істеуінің практикалық мысалдары қарастырылды.

Отырыстың мақсаты исламдық қаржы секторын дамыту үшін қажетті заңнамалық базаны және ілеспе инфрақұрылымды құруға талаптар туралы

ТМД елдерінің хабардар болуын арттыру, сондай-ақ тек Қазақстан Республикасы үшін ғана емес, сол сияқты исламдық қаржы қызметіне қатысты реттеу мен қадағалау саласындағы соңғы жаһандық үрдістер аясында бүкіл өңір үшін де исламдық қаржыландыру секторын дамытудың оңтайлы нұсқаларын анықтау болды.

*Барынша жан-жақты ақпаратты +7 (727) 2 596 833, +7 (727) 330 24 77 телефондары бойынша алуға болады; E-mail: [press@nationalbank.kz](mailto:press@nationalbank.kz) [www.nationalbank.kz](http://www.nationalbank.kz)*